

საქონლის ნასყიდობის ხელშეკრულება

ქ. თელავი

-----, 2025 წ.

ერთის მხრივ, ----- „-----“ (ს/კ -----) (შემდგომში „მყიდველი“) მდებარე საქართველო, -----, წარმოდგენილი დირექტორის ----- სახით და მეორეს მხრივ, შპს „მოსავლის მართვის კომპანია“ (ს/კ 405406109) (შემდგომში „გამყიდველი“), მდებარე საქართველო, თელავის რაიონი, სოფ. აკურა, წარმოდგენილი დირექტორის პაატა ჭავჭავაძის სახით

თითოეული წოდებული მხარედ, ხოლო ერთობლივად მხარეები, ვაფორმებთ წინამდებარე ხელშეკრულებას (შემდგომში „ხელშეკრულება“) შემდეგზე:

1. ხელშეკრულების საგანი

ხელშეკრულების საგანს წარმოადგენს მყიდველის მიერ გამყიდველის საკუთრებაში არსებული 2024 წლის მოსავლის 12000 ლიტრი ბუნებრივად ნახევრადტკბილი ღვინო „უსახელაური“ (შემდგომში „ნივთი“) შესყიდვა ხელშეკრულების პირობების შესაბამისად. (ელექტრონული აუქციონის ლოტის ნომერი: -----);

2. მხარეთა უფლება-მოვალეობები

2.1 მყიდველი უფლებამოსილია:

- 2.1.1 მოსთხოვოს გამყიდველს ნივთის მიღება ხელშეკრულების პირობების შესაბამისად;
- 2.1.2 მოსთხოვოს გამყიდველს ხელშეკრულებით ნაკისრი ვალდებულებების კეთილსინდისიერი და ჯეროვანი შესრულება.

2.2 მყიდველი ვალდებულია:

- 2.2.1 განახორციელოს ნივთის ღირებულების გადახდა ხელშეკრულების პირობების შესაბამისად;
- 2.2.2 შესაბამისი მიღება-ჩაბარების აქტის საფუძველზე მოახდინოს ნივთის მიღება და გატანა, ნივთის ღირებულების სრულად გადახდიდან.
- 2.2.3 მოახდინოს ნივთის შემოწმება მხარეთა შორის შესაბამისი მიღება-ჩაბარების აქტის გაფორმებამდე;
- 2.2.4 შეასრულოს ხელშეკრულებით ნაკისრი ვალდებულებები სრულად და ჯეროვნად.

2.3 გამყიდველი უფლებამოსილია:

- 2.3.1 მოსთხოვოს მყიდველს ნივთის ღირებულების ანაზღაურება;
- 2.3.2 არ მოახდინოს ნივთის მიწოდება იმ შემთხვევაში, თუ მყიდველი არ მოახდენს ანგარიშსწორებას წინასწარ;
- 2.3.3 მყიდველის მიერ ხელშეკრულების 2.2.1 პუნქტის დარღვევის შემთხვევაში, დააკისროს პირგასამტეხლო ხელშეკრულების 5.4 პუნქტის შესაბამისად;
- 2.3.4 მოსთხოვოს მყიდველს ხელშეკრულებით ნაკისრი ვალდებულებების კეთილსინდისიერი და ჯეროვანი შესრულება.

2.4 გამყიდველი ვალდებულია:

- 2.4.1 მიაწოდოს მყიდველს ნივთობრივად და უფლებრივად უნაკლო ნივთი, ხელშეკრულების პირობების შესაბამისად;
- 2.4.2 შეასრულოს ხელშეკრულებით ნაკისრი ვალდებულებები სრულად და ჯეროვნად.

3. ნივთის მიღების პირობები

3.1 მყიდველი ვალდებულია გაიტანოს შესყიდული ღვინო მისი შენახვის ადგილიდან აუქციონზე თავის მიერ დასახელებულ თანხის სრულად დაფარვის შემდეგ, ხელშეკრულების გაფორმებიდან ათი კალენდარული დღის ვადაში;

3.2 გამყიდველი უზრუნველყოფს ნივთის მიწოდებას მყიდველისთვის, ღირებულების გადახდის შემდგომ მყიდველის შესაბამისი შეტყობინების (მოთხოვნის) მიღებიდან 3 სამუშაო დღის ვადაში, აღნიშნულ ვადაში მყიდველის მიერ ნივთის ხელშეკრულების პირობების შესაბამისად ჩაუბარებლობის შემთხვევაში, გამყიდველი იხსნის პასუხისმგებლობას ნივთის დაზიანებაზე.

3.3 ნივთის მიწოდებისას მხარეთა უფლებამოსილ პირებს შორის ფორმდება შესაბამისი მიღება-ჩაბარების აქტი.

4. ხელშეკრულების ღირებულება და ანაზღაურების პირობები

4.1 1 (ერთი) ლიტრი ნივთის ღირებულება შეადგენს ----- (-----) ლარს, ნივთის სრული ღირებულება შეადგენს ----- (-----) ლარს საქართველოს კანონმდებლობით გათვალისწინებული გადასახადების ჩათვლით.

4.2 მყიდველი ვალდებულია გამოცხადდეს ნასყიდობის ხელშეკრულების ხელის მოწერის მიზნით შპს „მოსავლის მართვის კომპანიაში“ აუქციონის დასრულებიდან ხუთი კალენდარული დღის ვადაში.

4.3 მყიდველი ვალდებულია დაფაროს შესყიდული ნივთის ღირებულება ხელშეკრულების გაფორმებიდან 10 (ათი) კალენდარული დღის ვადაში, თუ მყიდველი არ მოახდენს ნივთის (12000 ლიტრის) ღირებულების სრულად გადახდას ხელშეკრულების გაფორმებიდან 10 (ათი) კალენდარული დღის ვადაში, გამყიდველი უფლებამოსილია ცალმხრივად შეწყვიტოს ხელშეკრულება და ელექტრონულ აუქციონში გადახდილი ზეს თანხა არ დაუბრუნდება მყიდველს.

4.4 თუ ელექტრონულ აუქციონში მონაწილე ვერ გაიმარჯვებს, მას უპირობო და გამოუხმობი საბანკო გარანტიის/ზეს თანხა უკან უბრუნდება, ხოლო გამარჯვების შემთხვევაში - უპირობო და გამოუხმობი საბანკო გარანტიის/ზეს თანხა ითვლება აუქციონის საბოლოო/შეთავაზებულ ფასში.

4.5 ელექტრონულ აუქციონში მონაწილის უპირობო და გამოუხმობი საბანკო გარანტიის/ზეს თანხა უკან დაბრუნებას არ ექვემდებარება, თუ:

ა) ელექტრონულ აუქციონში გამარჯვებული დადგენილ ვადაში არ გადაიხდის ელექტრონულ აუქციონზე თავის მიერ დასახელებულ თანხას.

4.6 უპირობო და გამოუხმობი საბანკო გარანტიის მოქმედების ვადა არანაკლებ 30 კალენდარული დღით უნდა აღემატებოდეს ნასყიდობის საფასურის სრულად გადახდის ბოლო ვადას.

4.7 აუქციონის შედეგები უქმდება თუ:

- ა) აუქციონში გამარჯვებულმა განსაზღვრულ ვადაში სრულად არ გადაიხადა ნასყიდობის საფასური;
- ბ) აუქციონში გამარჯვებულმა უარი განაცხადა ნასყიდობის ხელშეკრულების ხელმოწერაზე; აღნიშნულ შემთხვევაში წარმოდგენილი უპირობო და გამოუხმობადი საბანკო გარანტიის/ზეს თანხა არ უბრუნდება აუქციონში გამარჯვებულს.

5. პასუხისმგებლობა, ხელშეკრულების პირობების შეუსრულებლობა

5.1 ფორს-მაჟორული პირობების გარდა, მხარეების მიერ ხელშეკრულების პირობების შეუსრულებლობისთვის, არაჯეროვნად ან/და ნაწილობრივ შესრულების შემთხვევაში გამოიყენება საჯარიმო სანქციები.

5.2 იმ შემთხვევაში, თუ გამყიდველმა არ მიაწოდა მყიდველს ნივთი, გამყიდველს დაეკისრება პირგასამტეხლოს გადახდა მისაწოდებელი ნივთის ღირებულების 0,02% ოდენობით ყოველ ვადაგადაცილებულ დღეზე.

5.3 იმ შემთხვევაში, თუ გამყიდველმა მიაწოდა მყიდველს ნივთი ხელშეკრულების პირობების დარღვევით, გამყიდველს დაეკისრება პირგასამტეხლოს გადახდა მოთხოვნილი ნივთის ღირებულების 0,02%-ის ოდენობით ყოველ ვადაგადაცელებულ დღეზე.

5.4. იმ შემთხვევაში, თუ მყიდველის მიერ დაირღვევა ხელშეკრულების 4.3 პუნქტი, მყიდველს დაეკისრება პირგასამტეხლო გასატანი ნივთის ღირებულების 0,02%-ის ოდენობით ყოველ ვადაგადაცელებულ დღეზე.

5.5 საჯარიმო სანქციების გადახდა არ ათავისუფლებს ხელშეკრულების მხარეებს სახელშეკრულებო ვალდებულებების შესრულებისაგან.

5.6 დარიცხული პირგასამტეხლოს გადახდა მხარეების მიერ უნდა მოხდეს წერილობითი მოთხოვნის მიღებიდან არაუგვიანეს 5 კალენდარული დღის განმავლობაში.

6. ფორს-მაჟორი

6.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა, ემბარგოს დაწესება, ასიგნებების მკვეთრი შემცირება და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მყიდველის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული.

6.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

6.3 ფორს-მაჟორული გარემოებების დადგომის შემთხვევაში, ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

6.4 იმ შემთხვევაში, თუ ფორს-მაჟორული გარემოებების დადგომის გამო იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

7. ხელშეკრულების მოქმედების ვადა

7.1 ხელშეკრულება ძალაში შედის მისი ხელმოწერისთანავე და მოქმედებს 2025 წლის -----მდე.

7.2 ხელშეკრულების ვადის გასვლა არ წარმოადგენს მხარის მიერ ნაკისრი ვალდებულების შეუსრულებლობის საფუძველს.

8. ხელშეკრულების შეწყვეტა

ხელშეკრულება შესაძლებელია შეწყდეს:

ა) მხარეთა შეთანხმებით;

ბ) ხელშეკრულების ვადის გასვლის შემთხვევაში;

გ) იმ შემთხვევაში, თუ ერთი მხარე არღვევს ხელშეკრულების პირობებს.

დ) კანონმდებლობით გათვალისწინებულ სხვა შემთხვევაში.

9. კონფიდენციალური ინფორმაცია

მხარეები ვალდებული არიან არ გაამჟღავნონ ხელშეკრულების მოქმედების განმავლობაში მიღებული ინფორმაცია მესამე პირებთან და არ გამოიყენონ იგი პირადი სარგებლობისათვის. ეს ვალდებულება არ წყდება ხელშეკრულების ვადის გასვლის, შეწყვეტისა თუ სხვა გარემოების დროს.

10. მარეგულირებელი კანონმდებლობა

ხელშეკრულება რეგულირდება საქართველოს კანონმდებლობით.

11. დავების გადაწყვეტა

11.1 ხელშეკრულების საფუძველზე წამოჭრილი დავები წყდება ურთიერთშეთანხმების გზით.

11.2 შეთანხმების მიუღწევლობის შემთხვევაში მხარეები მიმართავენ საქართველოს სასამართლოს.

12. სხვა პირობები

12.1 ხელშეკრულება შედგენილია ქართულ ენაზე, 2 (ორ) ეგზემპლარად, რომელთაგან თითოეულს აქვს თანაბარი იურიდიული ძალა და ინახება მხარეებთან.

12.2 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

12.3 ხელშეკრულების ცალკეული პირობის ან მუხლის სრული ან ნაწილობრივი ბათილობა არ ახდენს გავლენას ხელშეკრულების სხვა პირობებზე.

13. მხარეთა რეკვიზიტები და ხელმოწერები

მყიდველი	გამყიდველი
----- ს/კ----- მისამართი: ----- ბანკის კოდი----- ანგ #: GE----- დირექტორი ----- -----	შპს „მოსავლის მართვის კომპანია“ ს/კ 405406109 მისამართი: თბილისი, მარშალ გელოვანის გამზ. #6 ბანკის კოდი TBCBGE 22 ანგ #: GE98TB7992036060100001 დირექტორი პაატა ჭავჭავანიძე